

中華郵政特准掛號認爲新聞紙類

第二十八期

九月一日出版

鳴謝助欸

敝刊自出版以來極蒙 義士賢豪輔助吹噓之力以致敝刊之銷路大有風行全國之勢今又蒙
 諸善士捐助刊資尤爲輔助之熱誠也敝社全體感激涕肅此敬佈藉伸謝誠並將本期助欸之 台銜列左

上海 張柱卿 李樂靜兩先生各助大洋五元 北平 紀朝元 齊克勤兩先生各助大洋五元

本市藥業同業公會每年助大洋八十元

天津市國醫正言報社同鞠躬

國醫正言

劉嘉琛題



名醫江陰曹穎甫先生著

丁福保 謝利恒 陸淵雷
祝味菊 朱少鴻 王一亭
介紹

▲金匱發微 ▲傷寒發微

先生爲海內耆宿，詩文書畫，名重當代，醫術宗法張長沙，歷任上海中醫專門學校等教務主任，先生以傷寒論一書，爲千古治病準繩，嘗以數十年研究心得，及歷來治病經驗，闡發精義成傷寒發微一書，學者爭先購訂，現擬再版，先生復以注釋傷寒之法，成金匱發微，刻已出版，無論初學及已行醫者，備此二書，則研究參證，有左右逢源之樂矣。

門人

丁濟萬 王慎軒 陳存仁 許半龍 章成之
沈石頑 虞舜臣 王一仁 秦伯未 張贊臣
校訂

金匱發微用西式裝訂布面金字都十餘萬言合訂一大厚冊每部實價三元若同時購傷寒發微者每部祇收半價國幣二元以示優待另加郵費每部一角三分
上海寶山路頤福里六九號光華醫學書局 上海梅白格路二〇四號醫學書局經售

國醫正言第二十八期目錄

一 文件

關陳運動中江蘇如皋醫會黃星樓先生致吳漢仙先生函

二 辨駁欄

爲陳无咎推翻中醫六氣進一言……譚活水
瞧了陳无咎妄詆「中醫六氣只有一氣」之說
後感言……阿琴

三 論壇

大小陷胸湯分治大小結胸之症論……陳應期
醫藥衛生常識（續）……周蘇甫

四 專著

聖方治驗錄（續）……鄒趾痕
經方實驗錄（續）……姜佐景
雜病論新詮（續）……邢錫波
國醫傷寒課義（續）……陳澤東

五

傷寒問答（續）……沈肖卿
傷寒要略（續）……張蘭亭

雜誌

桂枝湯非發汗劑……潘柏辰

六 實驗

厥陰熱利下重與下利欲飲水者仲聖均以白頭翁湯主之其義何在……（續）……陳應期

七 食物本草專欄（續）……王維仁

醫界消息

劉瑞恒案檢查官起訴書（續）

八 專載

中醫衛生設施方案（續）……陳澤東

九 社會義務欄

另有本欄目次

天津市名醫診例

天津日本租界秋山街西頭路北

▲診例詳章▼

許從周醫廬

▲函索即寄▼

電話二局一千一百八十九號

每日上午九點至下午二點
門診至下午六點
急症隨時到診

趙瑞升大夫

專門 鍼灸

治理瘟疫白喉疔毒兒科每日午前門診午後出診
急症隨請隨到

寓鼓樓東路北電話五局二七五八

李鴻儀醫士

專門 內科

▲午前九點至十二點門診祇收號金四角▲午後三點至六點出診一元二角租界加倍(上午掛號)

寓河北大街竹竿胡同門牌六十四號

中孫鳴山精理

內外 兩科

門診一元

午後出診

診所(河東老車站北小郭莊姚家台大街鳴和堂藥舖內)

中蘇周龢甫診例

▲門診上午九時至十二時...號金五角
▲出診下午二時至七時...診金二元
▲租界加倍
▲附診一元
▲寓本市東門內舊津道七條胡同門牌一號

文 件

▲關陳運動中江蘇如皋醫會黃星樓先生致吳漢仙先生函

漢仙道長先生鈞鑒，遠隔崇顏，莫由晉謁，下風景仰，與日俱深，恭維提倡醫育，籌劃賢勞，無任欽佩，茲肅者，陳氏无咎，著「關中醫六氣說之妄言妄見」一文，將吾國數千年相傳六氣之基本學，竟主張澈底推翻，此種荒謬絕倫之談，不爲病狂，即爲愚昧，願不知傷寒論一書，非專謂傷寒一病也，六氣已包括而了無餘蘊矣，蓋仲聖憤傷寒之不明，感宗族之非命，特欲論病以辨明傷寒耳，觀乎自序云「余宗族素多，向餘二百，建安紀元以來，猶未十稔，其死亡者三分有二，傷寒十居其七，感往昔之淪喪，傷橫天之莫救，……」命書之意，於此可知矣，若無六氣而祇有風，則仲聖當命書曰傷風論焉，昔俞根初云，「傷寒一證，四時皆有，」又考諸葉天士先生所留治案，寓傷寒於六氣之中，經云「傷於風者上先受之，初起亦見太陽經證，惟不若傷寒之甚，」畢竟風是風，寒是寒，陳氏萬不可舉風而概其餘，此宜辨正者一也。內經云，「凡病傷寒而成溫者，先夏至日爲病溫，後夏至日爲病暑，暑當與汗出勿止，因於暑寒，煩則喘渴，靜則多言，」傷寒論云，「太陽中熱者，喝是也，汗出惡寒，身熱而渴者，白虎加人參湯主之……」喻氏曰，「喝者，中暑之稱，左傳蔭囑人於越下，其名久矣，」此暑病出自「內經」「傷寒」，不是今人臆造，徵之吾人臨床經

驗，風是風之見證，寒是寒之見證，暑是暑之見證，各自不同，治療亦異，若據陳氏完全根據風而治之，寧非癡人說夢耶，況大論首列「傷寒」「中風」「溫病」三大綱，垂訓昭昭，陳氏自尊過甚，叛道離怪，此宜辨正者二也。內經曰，「因於濕首如裹，濕熱不攘，大筋滯短，小筋弛長，濡短爲拘，弛長爲痿」，傷寒論曰，「……陽明病，無汗小便不利，心中懊憹者，身必發黃，」又「傷寒身黃，發熱者，梔子柏皮湯主之……」濕之爲病，綱舉目張，何得與風混爲一談，「內經」「傷寒」俱在，可以復按，陳氏研究內經傷寒有素，今忽數典忘祖，此宜辨正者三也。喻西昌謂內經生氣通天論「秋傷於燥，上逆而咳，發爲痿厥，」傷寒汲古云，「傷燥肺先受之，出則大傷受之，穢傳五臟，病各異形，分別診治，消息脈經……」沈氏目南謂「燥氣屬涼，謂之次寒，」何氏廉臣云，「六氣之中，惟燥氣難明，蓋燥有涼燥溫燥，上燥下燥之分，」其燥尙不止一種，而所云六氣原只一氣，囫圇吞棗，即詢之村間婦孺，亦不謂然，陳氏忍心害理，不咎己之非，而反責人之妄，任職中館，尸位素餐，何能表率羣倫，此宜辨正者四也。何氏云，經謂「熱氣大來，火之勝也，在天爲熱，在地爲火，」沈堯封曰，「溫雖亦爲火之氣，第火之微者爲溫，火之甚者爲熱，雷少逸云，「君火司令之時，有溫病也，相火秉權之候，有熱病也，」由此觀之，溫熱二病，皆屬六淫，六氣本爲天地之正氣，因其能淫洩病人，故名六淫，亦以爲六氣之失其正規現象，故又稱邪氣，（此說見胡安邦病理學）病中之火病，傷寒論，「傷寒脈浮滑，此表有熱裏有寒，（按羅哲初本作表無寒裏有熱，）白虎湯主之，」又「傷寒脈滑而厥者，裏有熱也，白虎湯主之……」歷代聖賢，對於六氣，詳其原因，脈症治法，後世醫家，奉爲圭臬，陳氏一意孤行而異議之，無理取鬧淆亂聽聞，吾醫

界常視爲公敵，其與余雲岫倡議廢中醫之罪同等，此宜辨正者五也。至內經謂「風者百病之長也，」不是只說有風，即無寒暑濕燥火，蓋以風統寒暑濕燥火而兼有者也，惟風之變化不常，全隨寒濕燥熱之氣而變動，中醫氣化，與西醫學說，有可互證之處，非絕對柄鑿不入者也，然六氣中之「濕」，即科學中之水蒸氣，六氣之中「寒」，即科學中之空氣溫度低降，「暑」者，熱與濕併合之一氣，「燥」者爲涼氣凝縮，「火」者爲溫度太亢，其小學自然教科書曰，「空氣之流動爲風，」此言其常，未道其變也，夫天氣也，風氣也，在科學總稱爲空氣，但空氣變化，又約分三類，（一）位置變化，（二）溫度變化，（三）濕度變化，則空氣錯綜變化而爲六氣，正與西人分析空氣爲輕，養，炭，淡四種，殊途同歸，六氣之說，果真不能成立，則西人輕養炭淡之說，亦等於不能成立矣，要知吾國病理學，純粹不能離開六淫七情之範圍，若以陳氏之說爲當，中醫滅亡，恐在目前，遑論乎「整理」「振作」哉，蓋醫學之本質，天人合一，精奧異常，非空洞的理想所能達到，亦非完全用物質所能比而，空洞的理想，出自玄虛，其結果必落於凋零空漠，無裨於實際，物質的比譬，有時見窮於事物譬未免落於偏頗抹煞矣，陳氏眼光太狹，見解太偏，如此整理中國醫學，則所發生之困弊，將不一，足，實非醫界前途之福也，今

先生心切保存基本醫學，集羣力而正其誤，誠爲刻不容緩之舉，後學雖屬庸才，豈甘緘默，願與海內同志共起而正之，（下畧）此佈即頌
道祺

後學黃星樓頓首

辨駁欄

▲爲陳无咎推翻中醫六氣進一言（長沙衛生報）

馬來亞吉隆坡譚活水

余讀國醫公報載陳氏无咎「關中醫六氣說之妄言妄見」一文，不覺毛髮聳然，五中怵惕，如骨梗在喉，大有不吐不已之勢，夫以如此腐愚淺識之夫，竟爾謬然任以國醫編審之責，欲其發揚國醫，何異緣木而求魚，宜乎國醫館成立多年以來，所謂編審工作，毫無成績，徒然年年月月於國醫公報上——專件——某某令開——等因奉此，而已，甚且令全國國醫專校改爲醫社而已，近雖幸賴蔣行政院長俯順民情，將中西醫平等待遇條例公佈，但以此盲心盲目惡劣不堪之人任此重責，欲望其領導國醫出於光明，吾恐徒負蔣院長公布條例而已。夫物腐而後虫生，虫生必然物腐，國醫館人才如何，觀於陳氏此文，吾雖遠隔海外，亦可以想像而知，蓋擇善而從，不善而去，事理皆然，况乎醫學關係國民生命，尤宜擷英吸華，以求至乎其極而止於至善，原無國界可分，今日則有大謬不然者，撤己之珍珠，據人之唾餘，以土飯塵羹爲盛筵，以瓊漿玉液爲殘酌，其意硬謂新來即盡善，原有皆盡惡，曾不深長細思，抉擇去取，不亦大可怪乎，陳氏謂中醫六氣之說爲妄言妄見者，即此類也。吾於中西醫學，雖無十足充分撤底之研究，然而其中孰優孰劣，自問尙不至於誤解，萬不如今之操觚家，毫無實驗，漫言著作，希圖射利，罔恤民生，放言高論，自欺欺人，故敢將管見所及，語

明六氣之所以然，以證明國醫言六氣之非妄言妄見，使人人共知陳氏腐愚淺識之夫，其所言所見，乃真妄言妄見也。

(未完)

▲瞧了陳无咎妄詆『中醫六氣只有一氣』之說後感言(長沙衛生報)

廣東阿琴

前在敝社研究室，與各同道談論中醫學理之深奧，非老師宿儒不能領悟其中旨趣，故近日青年，每視爲玄妙，移其信仰之心以麻醉西醫，殊可浩嘆，最可痛者，同道內訌，此一是非，彼一是非，失却學者研究學術的態度，輒以命令式或笑罵式出之，無一毫商榷餘地，凡有血氣，均覺難堪。

如最近之江浙派，與湖南派，相爭尤烈，江浙派一味趨新，多棄舊學，湖南派主張保舊，而灌以新知，尙屬近道，談次，適郵生送達郵件，展開一瞧，是長沙衛生報第七十五期也，瞧至第四版，見有陳无咎詆中醫六氣說之妄言妄見一文，唉呦一聲，大家均非常注意，瞧畢，莫不譁然曰，此又一個余岩化身也，時陳社長應期(七十餘歲老醫師)亦在座，大罵曰，非我族類，乃陳相異端曲學之流，不可無以糾正之，予曰，陳氏之道，墨道也，君不見其解墨明醫之論乎，其文義牽強附會，其字句枯倦齷齪，自謂治墨經三十年，深得其中三昧，大有睥睨一世之概，矜奇眩異，自欺欺人，故其治醫，不宗仲景而宗丹溪，宗丹溪都不錯，丹溪尙不敢背道，伊乃叛道而離經，不惟岐黃仲景之罪人，實乃丹溪之罪人也，陳社長曰，姑無論其學問之淵博與否，卽此風能包括六氣，其說已不通，試問其能以治風之法治五氣之病乎，夫六氣致病，各有原理，風自風，寒自寒，濕自濕，燥自燥，火自火，暑自暑，其致病之原因不同，其見症自各異，其治法亦隨之而差別，今云六氣只有

一氣，就是風，在陳无咎執一以貫之之義，簡則誠簡矣，但恐病之千變萬化，就治一氣方法以治百病，吾見其百治百死，欲謂其无咎也得乎哉，陳社長言至此，大有怒髮冲冠之概，言已，乃命予起草，擬將六氣如何治病，如何見證，如何治法，一一分疏，有憑有據，以質陳氏，令其答覆，則其說不攻自破矣，（時吳漢仙劉裁吾二君合編六氣致病之原理尙未到也）及退而思之，此等妄人，其可置之不論不議，不然，伊宗丹溪，伊何嘗不知六氣之不可混同，今竟出此荒謬絕倫之論調，推直意，無非因編審病名草案，被人指駁，不能成立，乃老羞成怒，逞其一偏之見，故作此駭人聽聞之論，以眩其爲中館人物，與彼方之老腐敗不同，其玩世不恭之態度，既於字裏行間見之，安有商榷之可言，語曰，不可與言而與之言，失言，予抱定宗旨，故遲遲不屬稿也，及接閱長沙衛生報各期刊物，見駁陳氏之謬論者，則有湖南醫校教授劉君益生，醫校女生劉玉，福建梁君長榮，山西時君逸人，天津陳君澤東，海外華僑王君松青諸抗議，而破陳氏邪說之中堅者，則有吳公漢仙，劉公裁吾合編之六氣致病原理，均能絲絲入扣，先得我心之所同，似無庸余之贅述矣，然人各有心，吾爲陳氏正告曰，陳先生，你原來是個中醫，所著之醫軌，是極主張六氣之學者，今何忽然反常乎，中醫之根本在內經似覺你會讀過，六氣之說，係發明於內經，今你由讀過內經之後，竟闢爲妄言妄見，不認爲祖宗，不認爲師長，青出於藍而勝於藍，則內經可以推翻矣，推翻內經，中醫無根本可言，凡我中醫同人，可將醫經付之一炬，聯袖隨陳先生來去學西醫之細菌學，方不愧爲陳相之的派，陳相之徒孫，所缺者，其目尙未碧，其髮尙未樛耳。

（未完）

論 壇

▲大小陷胸湯分治大小結胸之症論

(續)

廣東翁源陳應期

附錄醫案兩則

新豐縣，營盤仔，下黃崗，廖文蔚，年二十四歲，病患心痛，于民二十五年，夏歷閏三月十六日，跋涉遠來，求余診治，按脉沉伏，數而兼緊，診尙未斷，伊便說渠心胸疼痛，由上而下，硬滿拒按，大便秘結，係自去臘以迄於今，時痛時止，倘遇不痛，食慾頗佳，不過間有飽脹，脹則作痛，痛則欲嘔，嘔則有聲而無物，僅僅有些酸水，似乎中焦寒涼，未能消化，先生以爲然否，余則直斥其非，你乃胸有熱邪，交結不散，以致作痛不休，心火不得以下降，腎水不得以上升，因而飽隔欲嘔，實在熱格上焦，是爲大結胸症，應用大陷胸湯，取硝黃以瀉火，甘遂以逐水，俾得邪從兩便而去，一同導下，乃合醫理，方訂交他，囑服兩劑，伊在旅館，服藥下去，午夜不寧，臍下紐痛，痛得交關，屆時懊悔，謂湯藥吃下，不該服完，只可嘗試如何，服下果平，然後盡服，似此痛還增劇，定然藥不對病，緣何至如此極耶，乃未幾而腹中雷鳴，倏爾瀉下，連瀉幾次，心胸快活，毫無抑鬱之態，翌日笑來問余，謂昨服先生之方，交至夜半，開始作痛，旋即大痛不止，大瀉許多，豈真藥石之無靈耶，余謂藥若不瞑眩，厥疾不瘳，書有明訓矣，試問你現在有無作痛，答說無事，懇求再

診，脈現緊象，舌苔紅刺，熱結無疑，請將原方再服，儘可告痊，後果無恙，越數日辭別告歸，遂爾返旆還鄉云爾。

還有同病相憐，同在本年，閏三月二十日，住翁源李村鹿湖坑，梁恒堂，年屆二十餘，抵舍求余治療，問渠何病，答說心腹諸痛，請先生切脈如何，未知醫可愈否，按渠六脈，沉緊細數，顏容紫色，舌苔黃刺，現然熱邪在裏，交結于胸，故事心胸作痛，痛極難當，腹滿而硬，有如跌打損傷，不敢摸着，倘果若摸，痛必加劇，兼又傍晚身燒，大便秘結，此傷寒論所云，心下痛，按之石硬，日晡潮熱，痛不可近，是爲大結胸症，當治之以大陷胸湯，伊聞言着驚，謂往日着人講症，先生曾與大承氣湯，也未嘗不好，第事過境遷，仍然如故，今者，又說大陷胸湯，難道大黃芒硝，還不够耶，余曰否否，你乃知其一，不知其二，曉得甚麼，蓋湯名大承氣者，原以陽明胃家實，取硝黃以下攻，樸實以行氣，正素問之所謂充則害，承乃制，制其陽氣之充，以救其陰分之虧，俾得滋生津液也，若湯稱大陷胸者，却以水火交結于胸，攻火則取硝黃，逐水則取甘遂，一如兵家之所謂陷入重地，胸有把握，于以奪隘斬關，立即掃其巢穴也，囑服三劑，遂覺出陷罪，而登平康，其心胸爲之一快焉耳。(完)

▲醫藥衛生常識編者周君尙未回津再停一期祈 讀者鑒諒▼

湖南國醫學會會辦：**長沙衛生社**：擴大組織徵求基本社員

▲充當本社員有五種利益：**(一)**優美證書。**(二)**贈閱刊物。**(三)**通函研究。**(四)**銀質徽章。**(五)**銀質獎屏。(尙有其餘優待不及備錄) ●詳細辦法及入社志願書只以郵片通知即寄 ●

歡迎各界加入

社址：湖南長沙新安巷一號

專 著

▲聖方治驗錄 (續)

四川重慶鄒趾痕撰述

李仙舟之歲半小兒患吐瀉瀕危獲愈留像紀念

李仙舟者，家住北平東城，象鼻子後坑，於民國二十二年十二月二十八日，送來一小孩像片，於像頂上題曰留像紀念，像後敘事曰，感謝良醫，鄙人小孩一歲零八個月，民國二十二年，夏歷七月，患大吐大瀉不止，奄奄一息，經三四名醫救治無效，病益沉重，不能食乳，不能食粥，手冷至肘，脚冷至膝，重危待斃，幸蒙親友介紹，服鄒趾痕先生方，一劑而吐瀉止，二劑而手足回溫，三劑而能食乳食粥，諸病皆愈，見者驚爲神奇，本年十一月十六日，此孩又患小便癱閉，小腹腫脹，疼痛難當，又服先生方三劑，周身大熱出汗，小便大通，小腹腫脹全消，疼痛停止，食量大增，遂使瘦弱之小兒，一變而爲豐腴肥健之軀，感謝妙手，無以爲報，留像紀念，以識不忘，敬呈

鄒趾痕老先生惠存

李仙舟謹具

趾痕論曰，此孩初患大吐瀉，時值夏秋之交，酷暑與秋寒雜至，小孩受其不正之氣，遂至清氣與濁氣相亂，亂於腸胃，則爲吐瀉霍亂之病。

診斷 視其經紋青而兼紫，起於風關斜透氣關，闕庭亦有青色，目合唇色微黑，鼻息微細如絲，知有暑邪乘心，又有寒邪，直犯胃中，加以腎氣不能上升，有陰陽分離之候。

處方 用附子理中湯加減，理中以奠安中氣，加減以升清氣降濁氣。

製附片三錢 漂白朮二錢 乾薑二錢 生薑二錢 黃連一錢 半夏片一錢 大棗四個
甘草一錢 此藥入腹吐瀉立止

次診 經紋青色退去大半轉呈淡紅色，能吮乳。

次方 紋党參三錢 漂白朮二錢 半夏片二錢 製附片一錢 陳皮一錢 大棗四個 雲苓一錢
生白芍一錢 甘草一錢 服藥後手脚回溫

三診 寒邪除盡，暑邪伏於心中，胃中微有食積。

三方 柴胡三錢 紋党參三錢 黃芩二錢 大麥冬二錢 桔梗一錢 只壳一錢 山查肉一錢
生白芍二錢 甘草一錢 病全愈

本年十一月十六日，此孩又患小便癰閉，小腹腫脹，疼痛難當。

診斷 經紋風關微紫，氣關淡紅，小腸膀胱有熱，心下有寒水浸伏其間，以致肺不化氣，小便不通

處方 雲苓二錢 知母二錢 黃柏二錢 肉豆蔻四分 桔梗二錢 生薑二錢 半夏片二錢
西砂仁一錢 甘草一錢

次診 小便微通而未暢通，小腹腫痛微減而未大減，時而欬嘔。

次方 肉桂二錢 雲苓二錢 豬苓一錢 澤瀉一錢 滑石一錢 甘草一錢 阿膠一錢

三方 前方去阿膠加桂枝二錢，得周身大熱大汗，小便大通，腹脹亦消而愈。

(未完)

▲經方實驗錄

(續)

版權固有
不准轉載

江陰曹穎甫先生撰述
門人瑞安姜佐景編按

【小引】吾師曹穎甫先生，號拙巢老人，行年七十矣，用仲景方救世人疾苦者，垂四十餘載，其間大案疊出，閭里奉若神明，顧先生不喜筆而記之，以爲不屑爲也。偶爲之，則又爲諸弟子索以去，於是存稿乃闕如。愚不敏，侍診之餘，輒喜集諸案而珍藏之，其有缺者，復乞師講授。隨時筆錄而補之。更加拙按以伸其義，凡得二百餘則，編爲上下二卷，乃秉師命，顏曰經方實驗錄，蓋所以符其真也。本篇所刊，特其一斑耳。世有同好，相與錯研而教益之，幸甚。先生著有傷寒發微行世，其金匱發微一書亦已出版。又工詩詞，善畫梅，刊有梅花詩集，門人遍國中，若王一仁，王慎軒，秦伯未，許半龍，章次公，沈石頑諸氏，悉在其列云。編按者謹誌

【附言】如有關於本稿或本錄之賜教，請惠寄上海城內果育堂街一四四號姜佐景收爲荷。

大承氣湯證 (其五)

師曰

傷寒論曰：「厥應下之，而反發汗者，必口傷爛赤，」按寒鬱於外，熱伏於裏，則其證當候陽熱漸回而下之，俾熱邪從下部宣泄，而病愈矣，若發其汗，則胃中液涸，胆火生燥，乃一轉而爲陽明熱証，爲口傷爛赤所由來，此正與反汗出而咽痛喉痺者同例，由其發之太過，而陽氣上盛也，此證向余在四明醫院親見之，其始病余未之見，及余往診，已滿口爛赤，檢其前方，則爲最輕分量之桂枝湯，案中則言惡寒，夫病在太陽，而用桂枝，雖不能定其確當與否，然猶相去不遠，既而病轉陽明，連服白虎湯五劑，前醫以爲不治，老友周肖彭屬余同診，問其狀，晝則了了，暮則壯熱，徹夜不得眠，夫營氣夜行於陽，日暮發熱屬血分，晝明夜昏，與婦人熱入血室同，熱入血室用桃核承氣，則此證實以厥陰而見陽明燥化，病者言經西醫用瀉鹽，得大便

一次，則中夜略能安睡，診其脉，沈滑有力，余因用大承氣湯，日一劑，五日而熱退，肖彭以酸棗仁湯善其後，七日而瘥。（本案係錄自傷寒發微）

佐景按：大論曰，「厥深者，熱亦深，厥微者，熱亦微，厥應下之，而反發汗者，必口傷爛赤，一今已口傷爛赤，考其原，咎在發汗，則更應下矣，此經文之可據以用承氣湯者，一也，更診其脉，沉滑而有力，是爲實，此脉象之可據以用承氣湯者二也，陽明病，有日晡所發潮熱之證，大論言之者屢，今病人晝日明了，暮則壯熱，殊相吻合，此經文之可據以用承氣湯者三也，西醫曾以瀉鹽微下，則中夜略得安睡，此前治之可據以用承氣湯者四也，有此四證，已可謂細心，若更不能大胆用救命之方，其人尙安得厚顏稱醫乎？

曹穎甫曰：口傷爛赤，胃熱也，大便燥結，腸熱也，手足陽明俱熱，不亟瀉之，病何能去？內經云，陽氣當隔，隔者當瀉，不亟正治，粗乃敗之，此之謂也。

陽明戰汗證

陸左 初診 三月二十三日

陽明病，十日不大便，惡氣衝腦則厥上痛，腦氣昏則夜半譫語，陽明燥氣薰灼則右髀牽掣，膝旁屈而不伸，右手亦拘攣，夜不安寐，當急下之，宜大承氣湯。

生川軍四錢後入 枳實三錢 中樸一錢 芒硝三錢冲服

拙案註：此證服藥後，夜中大下二次，稍稍安睡，其二診三診均用白虎湯爲主，以其右手足不伸而加芍藥，以其渴飲而加天花粉，三診後聞延徐衡山兩次，又以無效中止，三十日後，聞其惡熱甚，家人飲以雪水頗安適，此即病人欲飲水者，少少與之即愈之證也，予爲之擬方用生石膏二兩，知母五錢，生甘草三錢，西洋參一兩，和米一撮煎湯，服後病者甚覺清醒，四月一日服二煎，至午後，病者忽然寒戰，閉目若死，既而壯熱汗出，此當在傷寒論戰而汗出之例，非惡候也。

（未完）

▲雜病論新詮(續)

版權固有
不須轉載

馬廠邢錫波編著

肝苦急，急與甘以緩之，此補土調肝以補益之，爲反治之法也，所謂補土以益肝者，以脾能燥濕，耗陰傷腎，腎氣衰微，則腎水不能上行以濟心火，則心氣偏盛，火勝則刑金，肺金被刑，不能侮肝，肝得盡其暢達之機能，自必欣欣向榮也，此治肝必補脾之要妙也，肝之虛者，必用此法，而肝之實者，則不在此例，仲師恐人不解，復引經以總結之，經曰，「虛虛實實，補不足，損有餘」蓋虛者宜補，而復攻之，是謂虛其虛，實者宜攻，而反補之，是謂實其實，俱犯禁忌，惟虛而不足者補之，實而有餘者損之，則於經義方有契焉，餘臟准此類推，可以肝爲比例，舉一反三，勿事煩瑣也。

夫人稟五帝，因風氣而生長，風氣雖能生萬物，亦能害萬物，如水能浮舟，亦能覆舟，若五臟元真通暢，人即安和，客氣邪風，中人多死，千般疾難，不越三條，一者經絡受邪入藏府，爲內所因也，二者四肢九竅血脉相傳，壅塞不通，爲外皮膚所中也，三者房室金刃虫獸所傷，以此詳之，病由都盡，若人能養慎，不令邪風干忤經絡，適中經絡，未流傳藏府，即醫治之，四支才覺重滯，即導引吐納，鍼灸膏摩，勿令九竅閉塞，更能勿犯王法，禽獸災傷，房室勿令竭乏，服食節其冷熱，苦酸辛甘不遺，形體有衰，病則無由入其腠理，腠者，是三焦通會元真之處，爲血氣所注，理者，是皮膚藏府之文理也。

此節明天地生死萬物之理，以見人當善爲調攝，遠戕害而秉滋益，自能不須丹術，可得長生久

視之道也，夫人稟五常之氣以生，賴風氣以長，賴穀以養，風者即空氣之搖蕩者也，故吾人日在風氣之中而不見風，猶魚在水中而不見水，鼻息出入，頃刻離風，立即殞命，不獨人也，凡一切動植礦物，無不因風以遂其生生之機，如木無風，無以遂其調達之性，火無風無以遂其炎上之情，金無風無以成其堅勁之體，水無風則潮不上，土無風則植不蕃，是風於物有利而無弊也，不知生養萬物，乃和煦之風，書所謂「和風以布，萬物皆春者，」是也，若夫厲氣邪風，不惟不贊生育，切尤足致痰疾，如水能浮舟，亦能覆舟，聖哲知其然也，於五藏元真之氣，加意調攝，使天地五常之氣，與人身五藏之氣，息息相通，使腠理固密，邪無由侵，人即安和，若不善調攝，內則元真失調，外則保障盡徹，客邪隨風，乘隙中人，每至夭扎而死，然賊風疫癘，中人深淺輕重，雖見病萬端，莫可端倪，而其要不越內因外因不內外因三條而已，一者經絡受邪，本表證也，而久則含於藏府，是由內藏之虛，無力撼禦其外，以致經絡空虛，客邪乘隙襲入，爲內因也，二者四肢九竅，雖爲外體，必須藏府充暢，血脈得以相傳，不致壅塞不通，而後可以四肢輕健有力，九竅開闔自如，若藏府稍有滯呆，則血脈所由之隧道，氣行血走之榮衛，津注精輸之支系，皆凝滯阻遏，客氣邪風，將乘隙從皮膚而中之，爲外因也，三者房室勞損其精，金刃虫獸傷亡其血，精枯血竭，未有不喪身殞命者，此不內不外因也，以上三者，總由五藏不攝，元真失守有以致之，若人能竭攝身之道，客氣邪風，不令干忤經絡，即或偶有不慎，適中經絡，必不能長驅深入，中藏中府，頃刻弗救也，醫者於未傳藏府之時，以驅風散邪之劑，可自經絡表而出之，四肢重滯，即邪入絡之外候，可於服藥之餘，佐以導引吐納針

灸膏摩之術，無非內保元真外禦客邪，通暢經絡，使九竅不閉塞耳，若再能謹言慎行，無犯王法，無登陟險阻，以避禽獸，清心寡慾，無肆斲喪其精，澹泊寧靜以制口腹，節衣服之冷暖，調五味之辛甘，無令過度，偏敝形體，庶病無由入其腠理矣，腠理者，乃人身肥肉內紅肉外脂膜之有文理者，腠爲三焦，乃自此出氣以溫肌肉，五藏元真之所湊會，氣血之所灌滲之處也，理爲皮膚藏府相連之脂膜，透徹玲瓏，曲折而有文理，所以宣達皮膚藏府之道路也。

附註：

『導引』凡人自摩自捏，伸縮手足，以除勞去煩爲導引，若使他人握搦身體，或摩或搦，即名按摩矣。

『吐納』謂吹呵呼吸，吐故納新也，口吐濁氣曰吐故，鼻納清氣曰納新，即近世生理學所謂吐炭氣吸氧氣也。

『鍼灸』內經謂病生於脉，治之以灸刺，即今之艾灸法也，病在於內，治之以鍼石，即今之刺鍼法也。

『膏摩』即摩膏之謂，玉函經總例云，湯散丸藥，鍼灸膏摩，一如其法，金鑑以爲按摩誤矣。

問曰，「病人有氣色，見於面部，願聞其說，」師曰：「鼻頭色青，腹中痛，苦冷者死，鼻頭色微黑者，有水氣，色黃者，胸上有寒，色白者，亡血也，設微赤，非時者死，其目正圓者瘕，不治，又色青爲痛，色黑爲癆，色赤爲風，色黃者便難，色鮮明者，有留飲。」此節乃仲聖示人以望色之法也，凡人通而周身，雖俱有可查之色，而獨取之於鼻目者，以鼻爲肺之開竅，肺主一身之元氣，五臟之氣，莫不乘受於肺，而五臟之眞色，亦莫不隨肺氣之出入，而呈現於鼻頭，所以可驗五臟之眞色也。

(未完)

▲國醫傷寒課義

(續)

有著作權
不准轉載

陳澤東著

又曰，太陽病，醫發汗，遂發熱惡寒，因復下之，心下痞，表裏俱虛，陰陽氣並竭，無陽則陰獨復，加燒針，因胸煩，面色青黃膚囁者，難治，今色微黃，手足溫者，易愈。

(註) 太陽表病發汗後當無寒熱，今汗後反發熱惡寒者，或其表氣素虛，或發汗太過，表氣虛不能逐邪故也，此時當用黃芪附湯，以固其陽而化其餘邪，乃反下之，是爲大謬，餘邪內陷，故心下痞也，表虛是汗之過，裏虛是下之誤，陽氣已虛，陰邪獨在，故又用燒針是重其表也，胸煩者，熱邪衝膈也，面色青是陰虛，面色黃是陽虛，膚囁者，表虛而邪不盡也，色微黃手足溫者，陽氣未大虛也，本文無方，愚以黃芪附子枳朴湯與之。

又曰，心下痞，按之濡，其脈關上浮者，大黃黃連瀉心湯主之。

(註) 此亦邪在表誤下之虛痞也，以裏無熱，故按之軟而不結痛也，脈關上浮者，表邪不解也，體壯之人則與本方，其痞可解，如體弱之人，可與麻桂枳朴湯。

又曰：心下痞，而復惡寒汗出者，附子瀉心湯主之。

(註) 痞而惡寒邪出者，誤下傷其表陽也，瀉心湯加附子者，解其痞復其陽也。是寒熱因用之意，如體弱之人，可與麻桂枳朴湯倍附子，以解其未盡之邪，而救其誤下之寒，以復其受傷之表陽也。

又曰，傷寒吐下後，發汗，虛煩，脈甚微，八九日，心下痞鞭，脇下痛，氣上衝咽喉，眩冒，經脈

動惕者，久而成痿。

又曰，傷寒，發汗，若吐，若下，解後，心下痞鞭，噫氣不除者，旋覆代赭石湯主之。

（註）此兩條已列入本編誤吐門，解見第二十二期，因有心下痞鞭證兼誤下之弊，故附錄於此，不再釋，但旋覆代赭石湯如不愈，可與麻桂枳朴湯加白芥子萊菔子各二錢可愈。

又曰，下後不可更行桂枝湯，若汗出而喘，無大熱者，可與麻黃杏仁甘草石膏湯。

（註）此條之證，係表邪未盡而誤下也，汗出而喘是表邪自解而未徹，胃有熱邪衝肺也，無大熱之熱字，不可輕視，不可忽爲無熱，如無熱則石膏不可用矣，本文所定之方，是散邪清熱之意，後學不可不注意也，近世用此湯多貽禍者，皆不明此方之義也。

又曰，太陽病，外證未除，而數下之，遂協熱而利，利下不止，心下痞鞭，表裏不解者，桂枝人參湯主之。

（註）外證未除而數下，胃氣傷，邪內陷而化熱，故邪與熱協，而大便下瀉不止，心下痞鞭，是虛痞非結胸也，因數下胃氣大傷，故不用瀉心湯，重傷其胃陽，而以桂枝乾薑，化其餘邪，以甘草白朮人參，以補其下傷之胃氣也，當此之際，如用陷胸瀉心等湯必死，此可見仲聖識見之高，治法之妙也，吾國醫之大家，藉科學醫法，以供西醫奴隸而欺人漁利者，亦可夢見此妙境乎。

又曰，傷寒大下後，復發汗，心下痞，惡寒者，表未解也，不可攻痞，當先解表，表解乃可攻痞，解表宜桂枝湯，攻痞宜大黃黃連瀉心湯。

(註) 此條之症，係下汗顛倒也。心下痞者，乃不得外越之邪汗變水，積在膈也。惡寒者，表未解之明證也。心下痞，即係誤下水積之變證，邪不出而中氣傷矣，故不可再攻，再攻必死，故先解表後攻痞，表裏分治，此亦

仲聖之巧思也，欺人漁利之徒，當不識此，愚擬之附子麻黃羌活湯亦有效。

陽明篇有曰，陽明病，下之，其外有熱，手足溫，不結胸，心中懊憹，饑不能食，但頭汗出者，梔子豉湯主之。

(註) 此陽明表邪未解，誤下之證也，外有熱者，是邪在肌肉也，手足溫者，是陽明之表邪被下藥所迫，溢於脾經也，不結胸者，胃無熱也，心中懊憹者，邪陷在膈也，肌不能食，以誤下之故，胃熱去而胃氣傷也，邪陷入膈則不可汗，胃氣已傷則不可再下，故以微吐法去其內陷之邪也

又曰，陽明病，下之，心中懊憹而煩，胃中有燥屎者可攻，腹微滿，初頭鞭後必滿，不可攻之，若有燥屎者，宜大承氣湯。

(註) 此條之證與上條同，但有燥屎者可攻，無燥屎者不可攻，有燥屎者，腹大滿，按之微痛，是其候也，愚按燥屎在腸，不在胃也，若胃中尿燥則死矣。(未完)

▲傷寒問答 (續)

沈肖卿著

太陽病，先下之，而不愈，因復發汗，以此表裏俱虛，其人因致冒，冒家，汗出自愈，所以然者，

汗出表和故也，得裏未和，然後復下之。

問曰，不曰，太陽病，先下之不愈，因復發汗，以此表裏俱虛。其人因致胃，而必曰，太陽病，先下之而不愈，因復發汗，句中加一而字，何也。

答曰，加一而字，係辨太陽病，可以先下，亦可以後下也。若風寒兩感之太陽病，如未發汗，邪由血分傳裏者，本可下之而愈，若太陽病，先發汗不解，餘邪傳裏者，本當汗後再下而愈，今太陽病，邪未傳裏，仍在太陽之表，本不當下，今反先下之，下後，故病不愈，因其人正氣旺，邪未入裏，復又發汗，而表邪仍未解，然表裏之津液，已被汗下所傷，陽氣鬱而上犯於心，故其人必胃，故曰，以此表裏俱虛，其人因致胃也。

問曰，胃家，汗出自愈，所以然者，汗出表和故也，得裏未和，然後復下之，係論何症也。

答曰，津液不足，表氣不通，陽氣內鬱之胃症，汗出則表自和，若表邪已解，餘邪傳裏，而裏未和者，法當復下而愈，故曰，胃家汗出自愈，所以然者，汗出表和故也，得裏未和，然後復下之。

太陽病未解，脈陰陽俱停，必先振慄汗出而解，但陽脈微者，先汗出而解，但陰脈微者，下之而解，若欲下之，宜調胃承氣湯主之。

問曰，何謂停脈。

答曰，脈按之來時一停止者，謂之停脈。

問曰，太陽病未解，脈陰陽俱停，必先振慄汗出而解，係論何症也。

答曰，風寒兩感，邪傳太陽之太陽病，邪在太陽未解，脈來浮部沉部，時一停止者，當先發汗，使其蘊於表之邪外出，然內伏之表邪外出，必與正氣相爭，當先戰慄而後解也，表邪解後，隨後再治其沉部，時一停止之裏症，故曰，脈陰陽俱停者，必先振慄汗出而解也。

問曰，但陽微者，先汗出而解，但陰微者，下之而解，若欲下之，宜調胃承氣湯主之，係論何症也。

答曰，浮部之陽脈微停者，係邪伏表，當先發汗，汗出則表邪解，故曰，先汗出而解，但沉部之陰脈微停者，當下之而愈，若欲用下藥以下之，當以調胃承氣湯爲主方，故曰，調胃承氣湯主之。

太陽病，發熱汗出者，此爲營弱衛強，故使汗出，欲救邪風者，宜桂枝湯。

問曰，太陽病，發熱汗出者，此爲營弱衛強，故使汗出，欲救邪風者，宜桂枝湯，係論何症也。

答曰，風熱蘊於太陽衛分，汗出，則營虛，風熱蘊於太陽衛分，衛氣強於外，則發熱，欲救邪風，不令內陷，當與桂枝湯祛其邪，以調和營衛，故曰，欲救邪風者，宜桂枝湯。

傷寒五六日，中風，往來寒熱，胸脇苦滿，默默不欲飲食，心煩，喜嘔，或胸中煩而不嘔，或渴，或腹中痛，或脇下痞硬，或心下悸，小便不利，或不渴，身有微熱，或咳者，與小柴胡湯主之。

問曰，傷寒五六日，中風，往來寒熱，胸脇苦滿，默默不欲飲食，心煩，喜嘔，係論何症也。

答曰，傷寒五日，爲少陰受邪之期，六日，爲厥陰受邪之期，病至六日，傷寒之邪化熱，而傳厥陰，邪氣傳裏，則肌表虛，血氣弱，腠理疏，於是復中之風邪，入於少陽經，與正氣相搏

，結於脇下，正邪分爭，往來寒熱，休作有時也，胆爲腑，肝爲臟，肝胆相表裏，胸脇，爲肝胆兩經所經之處，邪入於肝，故胸脇苦滿也，又經云，肝胆之氣，寄於胃中，主疎泄，今肝胆受邪，胃中運化力差，故默默不欲飲食也，邪入於心經，則心煩，心火犯胃，故喜嘔也。

問曰：或胸中煩而不嘔，或渴，或腹中痛，或脇下痞硬，或心下悸，小便不利，或不渴，身有微熱，或咳者，與小柴胡湯主之，係論何症也。

答曰，傷寒化熱之邪，或但入於上焦，而未犯胃，故胸中但煩，而不嘔，或邪入於胃，邪傷胃中津液，而口渴，或木火尅土，而腹中痛，或邪氣與水氣結於脇下，而脇下痞硬，或水停中焦，上凌於心，而心下悸，水氣不化，而小便不利，或邪未入胃，未傷其胃中津液，仍在膚表，口不渴，而身有微熱，或寒邪入於肺絡，而咳嗽，法當與小柴胡湯加減，以和解之，故曰，與小柴胡湯主之也。

▲傷寒要略（續）

張蘭亭編

（未完）

▲腹痛

傷寒證，辨腹疼，裏實者，屬陽明，宜下之，用小承，三陰痛，辨要清，裏寒痛，理中精，腸鳴泄小建中，按之痛，大黃攻，隨症治，可回生。

（註）傷寒腹痛者，乃邪正相搏之所致也，惟正太陽經無腹痛之症，其餘皆有之，陽明腹痛者，腹滿急而脹，兼見有潮熱者，乃裏實，宜小承氣湯主之，三陰腹痛，下利清穀，裏寒者，宜四

逆，理中等湯，隨症以療之，若腸鳴泄利而痛者，此虛痛也，宜小建中湯以補之，若脈數腹滿，大便秘結，按之而痛者，此實痛也，宜桂枝加大黃湯主之，倘能循經遵法而治，其無不愈之症矣。

▲身腫

傷寒腫，辨不同，太陽病，風濕成，身微腫，骨節痛，陽明病，有中風，弦浮大，氣不通，面目黃潮熱蒸，耳前後，腫刺精，病瘥後，水氣承，腰以下，腫可徵，牡蠣散，可收功。

(註)傷寒腫者，其候有三，有太陽經之風濕相搏，骨節煩疼，掣痛，不得屈伸，近之則痛劇，汗出短氣，小便不利，惡風，不欲去衣，或身微腫者，以甘草附子湯主之，有陽明中風，脈弦浮大，而短氣，腹滿脇下及心痛，久按之氣不通，鼻乾，不得汗，嗜臥，一身及面目悉黃，小便難，有潮熱，時時曠，耳前後腫，刺之小瘥，有大病差後，從腰以下腫有水氣者，牡蠣澤瀉散主之，其亦有瘥後足腫者，乃脾胃虛弱之候也，宜扶脾消腫隨症以調之。

▲耳聾

耳聾症，有少陽，胸脇痛，脈弦詳，若兩感，縮腎囊，重汗證，建中嚙，臨症者，宜度量。

(註)傷寒耳聾者，宜審辨之，少陽耳聾，胸脇痛，脈弦者，小柴胡湯之證也，若耳聾兼見腎囊縮上者，乃少陽與厥陰合病也，名爲兩感，不治之證也，又有未持脈時，病人叉手自冒心，試教令欬，而不欬者，此必耳聾無聞，所以然者，以重發汗，虛故如此，宜用黃芪建中湯主之臨症者，宜審辨之。

▲蹇臥

蹇臥症，多屬陰，形蹇曲，縮不伸，乃寒極，法當溫，四逆湯，桂附劑，利不止，去衣衾，陰遇陽可回春。

(註)傷寒蹇臥者，證屬陰也，蹇者，乃屈縮不伸之象也，此乃陰寒已極，故皆惡寒，當自下利矣，若利自止，欲去衣被，手足溫者，爲陰遇陽，證屬可治，宜用大劑附桂以回其陽，若厥逆不回，惡寒而身蹇曲，脈不至，不煩而燥者，爲不治之症也。

▲奔豚

奔豚證，有二因，有過汗，有燒針，過汗證，水邪侵，苓棗湯，理中溫，燒針者，須辨分，寒核起。灸自伸，加桂湯，功效深，手足厥，四逆尊，臨症者，察所因。

(註)傷寒奔豚之證有二，一由誤汗而成，一由燒針所致，其證既成，臍下築然而動，如豚上奔之狀，由少腹衝心而作痛也，其如發汗過多而作者，是虛其腎陽，水邪挾氣上衝，故臍下悸，宜茯苓大棗湯主之，或理中湯，去白朮加肉桂主之，痛甚者，加莫莢更妙，凡因燒針令汗出而作者，針處被寒，核起而赤，必發奔豚，宜灸其核上各一壯，與桂枝加桂湯主之，若痛甚手足厥冷，宜當歸四逆湯，加肉桂莫莢主之，凡各湯中不離桂者，以桂大能瀉奔豚也，然遇此等病症，宜神而明之，存乎其人可也。

▲口燥舌澀

傷寒證，口燥乾，與舌澀，有數端，太陽症，口燥乾，發其汗，渴而煩，白虎湯，人參添，水不利

五苓宣，陽明證，口舌乾，欲漱水，嚔之占，苓芍湯，效若仙，少陽邪，熱惡寒，小柴胡，加減痊少陰邪，口舌乾，存津法，急下安，辨標本，隨症悉。

(註) 傷寒病，口燥舌澀者，俱為熱症，病有微甚之不同，藥有緩急之各異，再細考汗下和解之法，須當詳慎乃獲全功也，若夫太陽症，而遇口乾燥者，不可發汗，如發汗，則傷津液，如發熱惡風，大渴，舌上乾燥而煩者，白虎加人參湯主之，其人渴而口燥，煩，小便不利者，五苓散主之，陽明病，口燥，漱水不欲嚥者，必嚔，或用黃芩芍藥湯，犀角地黃湯主之，少陽病，口苦咽乾，腹滿微喘，發熱惡寒，脈浮而緊，宜麻黃小柴胡湯，少陰病自利清水，色純青，心下痛，口燥乾者，急下之，宜大承氣湯，若虛熱，病後煩熱不解者，以竹葉石膏湯，須去半夏，加花粉潤之，諸如此類，變通施治，生可回矣。(未完)

本會為普及醫學起見特售醫書

審查徵集驗方

共四集第一集係山西孟縣名醫郭效古先生一生經驗之秘方特價三角第二集係村政處派員在各縣徵集之驗方特價五角第三集第四集係本會派員在各縣以重金收買之特效良方每集特價八角同時合購四集者特價大洋二元四角郵力外加

中國傳染病學

全書上下兩卷共列二十四種傳染病特價一元二角郵力外加

中國時令病學

本書對於傷寒溫病有顯明之分析對於時令病傳染病有嚴格之界限凡四時病之症無不詳細羅列參用科學方法為之說明刻已訂正三版全書一冊實加五角郵力外加

中國婦科病學

本書為中西合參之巨著內容共分三篇第一篇月經病第二篇胎產病第三篇產後病舉凡婦科各病逐層剖析備極精詳證候診斷治法處方皆有精深之經驗醫家病家手此一編足供按圖索驥之需要定價一元特價八角郵力外加

醫學雜誌

現出至第八期至第十五期每五期一冊每冊一元五角郵力外加

▲售書地址：山西太原市新民中正街中醫改進研究會 廿五年四月印

雜誌

▲桂枝湯非發汗劑

潘柏辰

桂枝湯：「桂枝 生薑 芍藥各三兩 甘草二兩 大棗十二枚擘 右五味，咬咀，以升七升微火煮，取三升去滓，適寒溫服一升，服已須臾，歠稀熱粥一升餘，以助藥力，溫覆令一時許，遍身漿漿似有汗，佳，（錄自外臺）」

在師論上可算是天字第一號的方劑，人人會說牠能應付「頭痛發熱汗出惡風脈浮緩」的病者，這點常識，大概是由師論上那兩節瞧出，（一）「太陽之爲病，脈浮，頭項強痛，而惡寒」（二）「太陽病，發熱汗出，惡風，脈緩者，名爲中風」。其實呢？桂枝湯的用途不止於這點說法。

需要桂枝湯的病者，首先自己感覺下腹有水氣向心窩裏頂撞，我們做醫師的，應該知道這是發覺「上衝」便認爲用桂枝的主要條件，上衝的水氣，令人「乾嘔」，則需要生薑，可是桂枝生薑，因「上衝乾嘔」用的，若上衝乾嘔急迫，則用桂枝生薑合甘草，藥徵上說「甘草主治急迫也」，這是大家都知道的，又千金安心湯方下有言，「若胸中少氣者，加甘草爲三兩」然則胸中少氣，亦可認爲急迫一之候。

甘草合大棗，則主「弦急」，別錄表大棗「療心下懸」，懸與弦通，有牽引意義，弦急也者，實即

現代人所謂「牽扯樣疼痛」，又本經表大棗，「補少氣少津液，身中不足」，則知病者有弦急之候，其營養必不良，或以下利，或以發汗多，或以唾涎沫，而消失體液，外臺上有甘草大棗湯，療「久上氣欬」亦療「傷寒後欬嗽」，日久，曰傷寒後，亦正示營養不良意。

甘草合芍藥，則主「攣急」，師論上表芍藥甘草湯治「脚攣急」，脚攣急也者，不外現代人所謂「腓腸肌痙攣」，用芍藥甘草湯，當然有效，我以為攣急一候，不限定發現在下肢或上肢，也有發現於下腹部，則為「子宮痙攣」，發現於上腹部，則為「胃痙攣」，只是胃痙攣用到芍藥須合朮，子宮痙攣用到芍藥須合當歸，這都是事實上可考驗的，不過吾們正在研究桂枝湯，不合於說桂枝湯以外的話。

藥徵作者以「直腹筋攣急」，定為用芍藥甘草的目標，所以它發表「桂枝湯治上衝，頭痛，發熱汗出，惡風腹拘攣者」，其與師論上所說，更添出「腹拘攣」三字，不也可為診斷桂枝湯證的一助麼？
(未完)

本刊發售彙訂本啓事

敬啓者 敝刊自創辦以來徵聘國內國醫名宿投稿協助作品一出燦若星辰是以醫界學界商界注重衛生之家極端歡迎內分文件辨駁論壇專著雜誌時定急救實驗瑣聞社會義務等專欄凡古今中西醫理之精粹及治療大症方法效驗之神速有庸俗所不可及者凡吾同胞不可不人置一編藉以自衛今將以前之刊物由第一期至第十二期彙訂厚冊減價出售以優待閱者原定價每十二冊大洋三元今按八扣合計每一彙冊售大洋二元四角不取郵票郵力在內特啓

實 驗

▲厥陰熱利下重與下利欲飲水者仲聖均以白頭翁湯主之其義何在(續) 陳應期

厥後南蒲，金溪塘，傅怡祥，伊妻謝氏，年屆二八，裏熱下利，渴欲飲水，同時南浦賴田，曾姓婦人，亦是同病相憐，總係厥陰火熱，大腸便膿血，重墜下迫，掙不出來，任爾用盡腎力，也是喪氣垂頭，均醫許久，其利其渴，未曾見有或除，祇爲是禁口不食，胃氣將絕，生機何存，兩姓家人，求余訂方，據說病症，不勝慨然，謂聊盡人事，以聽天公，別方不合，均與白頭翁湯，囑吃數劑，若無轉機，不如省費，以備不虞，誰知道他的兩人，竟爾回生起來，從此可知仲聖立方，名曰白頭翁者，確有取義也，故事死可回生，有如老翁康健焉。

還有李村山門隘，鍾燕璋，亦是熱利下重，引飲止渴，却非甚劇，前醫認作寒利，誤投薑附，大劑四逆，吃了數付，本變厲加，卒致身熱不退，下利益甚，書云，熱不休，利不治，明言厥陰從中氣，木火相生，火愈烈，利愈慘，邪熱燻蒸，大腸燒腫，其竅孔十分逼窄，縱使力竭聲嘶，也難解脫此痛苦，病家觀此情形，恐怕變生不測，求余訂方，問渠何病，答說如上所云，只得與以白頭翁湯，並四逆散，雙方並進，服下兩劑，熱退利輕，後則除去四逆散，獨與白頭翁湯，加白芍阿膠，數劑霍然，是亦不幸中之幸也，究厥原因，係由裏熱下利，中見火盛，妄投羌附，如火添油，彼何人斯，抑何弗思之甚耶。

(完)

醫學家張贊臣主編 醫界春秋 是國醫界倡導革新的唯一月刊

出版九年。風行中外。以科學的方法來整理我國固有之醫藥。資望最老。信用最著。以真正的態度來評判中西學說之優劣。

彙訂 第五集 第六集 第七集 第八集 **全書四厚册** 另送月刊全年一份

本刊始創於民國十五年四月。迄今九載。發行以來。從未脫期與停頓。信用卓著。有口皆碑。且對於歷年之國醫運動事業。如力爭中醫列入學校系統及反對廢止中醫案參加中央國醫館等。莫不首先奮勵。故久為社會人士所稱道。銷數遂為之日增。回憶昔年第一集彙選。及第二。三。四。集彙訂等。出版未久。即告售罄。茲因各地同志之需求。特將第五。六。七。八。年之月刊搜集彙訂。分裝成册。共計四集。分列如下。

- 【第五集】係集合第四十九期起。至第六十期止。即第五年份所出版者。
- 【第六集】係集合第六十一期起。至第七十二期止。即第六年份所出版者。
- 【第七集】係集合第七十三期起。至第八十四期止。即第七年份所出版者。
- 【第八集】係集合第八十五期起。至第九十六期止。即第八年份所出版者。

以上每集原售實價大洋二元現為優待起見一律再打九折

內容舉要

：論壇。學說。專著。藥物。研究。討論。筆記。醫案。特載。治療。實用驗方。醫藥雜錄。問答。通訊。醫訊。餘興。附錄。文苑。等欄

發售特價

：凡購買以上彙訂。不論何集。概照原售實價（每集）洋二元。再打九折。郵費奉贈不收。以示優待。

贈送月刊全年一份

如能同時合購彙訂四全集者。祇收實價大洋六元四角。另行送閱第九年份月刊全年十二册一份。（自第九十七期起至第一〇八期止）又價值大洋一元之「世界醫報彙訂」三大册。若單購一集者。月刊醫報庶不贈送。合購全書四册者國內須另加郵費六角。國外郵費三元。如單行定閱月刊全年一份者。連郵大洋二元。不折。如能同時合購彙訂四全集者。祇收實價大洋六元四角。另行送閱第九年份月刊全年十二册一份。總發行所 上海白克路西祥里第七十七號 中國醫藥書局

食物本草專欄

菓品类(續)

編者王維仁

柿

甘寒而澁，無毒，入肺脾二經血分，開胃澁腸，清痰止咳，消宿血，腸風可止，解熱毒，痔漏能醫，然生啖性冷，不可多食，尤不可與蟹同食，能令人嘔吐不止，或腹痛作瀉，按柿性寒則能清，瀉則能收，甘則能益，故有健脾澁腸潤肺止血之功，若肺經無火，因風寒而作嗽，及腸胃虛寒，冷痢滑瀉者忌之。

石榴

味甘酸澁，氣溫無毒，入肺脾腎三經，治瀉痢脫肛，崩中帶下，多食損人肺及齒，又能令齒黑，金匱謂安石榴不可多食，多食損人腹，按石榴具甘酸之味，木火之性，長於收澁，故治瀉痢崩中，然必久痢腸虛，崩多欲脫者宜之，若服之太早，恐反爲害，宜慎審之。

橘

氣味甘酸而溫，無毒，脾之果也，初夏開花，至秋成實，經冬則色黃，今江浙淮南諸地皆有之，功能止消渴，理脾胃，多食則生痰滯氣，同蟹食令人患軟癱，李時珍謂，橘皮下氣消痰，橘肉生

痰聚飲，何一物而表裏不同，蓋以橘皮味苦則燥，辛則散，故清痰而理逆氣，橘肉味甘則補，酸則收，故壅氣而聚痰涎，雖同一物，而其相反也若此。

甜瓜

味甘氣寒，微有小毒，解暑除煩，和中止渴，然性生冷，不宜多食，多食則下利不止，經霜後尤不可食，雙蒂者能殺人，孫思邈謂甜瓜多食發黃疸，令人虛羸，孟詵謂多食令人陰下濕癢，寇宗奭謂夏月多食，深秋作痢，綜觀前賢諸論，甜瓜多食之害，不外傷脾助濕已耳。

枇杷

味甘酸氣平，無毒，入肺胃二經，走陽明，能下氣止嘔，入太陰則定欬消痰，其所以能治肺胃之病者，皆取下氣清火之功，惟不宜多食，多食則傷脾，與炙肉熱麵同食，亦不益人，若胃寒嘔逆者尤忌。(未完)

中大西醫界之良友
眾健康之指南

現代醫藥月刊

愈慎初主編

社址：福建福州城內官塘墘

二週特價	國內全年四角二分	郵費	風行中外	原價	全年十二册八角四分	郵票通用
紀念定價	國外全年一元六分	在內	銷數日增	預價	半年六册四角二分	酌加
	港澳全年八角四分	內容充實	印刷精美	零售每册一角		

(介紹三份者贈本册)
第二年彙訂一册

特價三個月民國二十五年十月底止

代售鼠疫治療全書每一厚册特價只收一元二角

醫界消息

▲劉瑞恒案檢查官起訴書(續)

侵款可查者十八萬餘元 偽帳累累公館改爲宿舍

以上提留雜費捐助各款，暨據被告等，自行聲請之特別護士收入洋四百八十七元零七分，統計洋十七萬七千二百一十一元九角六分，已據被告劉瑞恒張鴻緒吳康年陶世傑，及經手造報之孫鴻興等，一致供認無異，不過其所斤斤置辯者，謂款已撥付建築新樓工程費用，公款公用，並未侵占入己而已，所應審究者亦即在此，詳察情節供證，足徵其言不實，約有下列五項：

(一)查該院建築新樓工程費用，本有一定計劃，觀其先後造送概算決算呈內，敘述款之來源，及彌補不敷款項之籌措方法，極爲詳明，並未列有提留各款在內，所謂撥付工程費用，已與事實不符，即令認有墊付之必要，而此項開支，本極正當，該院收入項下，既有餘款，逕行撥付可矣，何須另款提留，貽人口實，況又未報由主管上級官署核準備案，其用意何在，殊難自解。

(二)查其於每月收入項下剔除數千元或萬餘元不等，原以伙食爲名，乃於月報表內則又列爲退還病人預繳費，同是一款，竟至兩歧，而且未將此款按月提存國家銀行(訊令被告等提出關於此款之銀行存摺無着，張鴻緒呈閱關於收入部分之大陸銀行存摺，又不能證明確有提留款項在內。)又無登記詳確之賬簿足憑，以致款在何處，莫可稽核，倘非意圖中飽，何必如此朦混。

(三)查其所謂提作撥付工程費用，如果屬實，且非別有用心，則逕由提留項下撥付，豈不直捷了當，何必故爲曲折，假借衛生實驗處防疫組（訊據被告等均稱無此機關。）名義，作爲借款收賬，而後付出（詳見後項）。以致朦混不清，由此可知其必假借名義者，即爲將來還款時，自然入於私囊，不復爲公款矣，昭然若揭。

(四)查提留之款暨雜費捐款各數，並未逐月連同他項收入，一併登入現金日記簿，而張鴻緒於訊後提出總賬一本，其末兩頁，收入提留備用款科目內，雖經載有二十二年七月一日轉入二十一年度提留總數，（連十九二十兩年雜費捐款各款在內。）及以後按月記入提留數目，然無原始簿（即現金日記簿或分錄簿）之同樣記載，以爲過賬根據於會計原則不合，且係一氣呵成，並無陸續登記之新舊墨跡，而該賬簿之裝訂，又屬隨時可以添換之活頁，已難據以爲信，其中所記撥還衛生實驗處以前借墊工程款之二十四年無月日一筆七萬九千一百六十四元三角一分，九月未記日期一筆二萬元合計九萬九千一百六十四元三角一分，固與被告等指爲張鴻緒訊後提出工程流水所載由收入提留項下借來之二十三年九月二十一日四萬元，二十四年一月三十一日二萬五千元，四月三十日一萬四千一百六十四元三角一分，九月十七日二萬元，四筆相似，第其前三筆，各記由收入提留項下借來等字，均係剗刮原寫字跡去後改註，痕跡顯然，並據張鴻緒直認原爲本身收入項下借來等字不諱，其第四筆適在該流水之最後一筆，亦不免事後添入之嫌，考諸現金日記簿暫借款科目內，二十三年九月二十二日記由衛生實驗處防疫組借來四萬元。

付還衛生實驗處之二十四年一月三十一日記暫借款二萬元，同日撥還衛生實驗處二萬五千元，四月

三十日記暫借款一萬四千一百六十四元三角一分，同日付工暫洋同數，九月十七日記由衛生防疫組借來二萬元，撥還衛生實驗處，綜此四筆付數，雖亦恰與工程流水相合，但第一筆日期不符，第二筆借入數目相差，一四兩筆係由捏名之防疫組借來，二三兩筆未記款之來源，第三筆更未記明還與何處，及其用途，核與總賬及工程流水之登載，極其參差之至，被告等持此以符總賬，及工程流水收付數目，而謂提留各款，業已撥付工程費用，匪爲鑿柄不入，而且事後作僞，以圖彌縫之情，於茲益著。

(五)查其總賬及工程流水之撥付工程費用，不足徵信，已如上述，即令其款撥付無訛，然於提留各數十七萬七千二百一十一元九角六分內，除去九萬九千一百六十四元三角一分，尙餘七萬八千零四十七元六角五分，此款究在何處，稽諸各項賬簿，既無其數，即被告等亦不能提供其他相當證據，以證明其確實用途，則其徒以悉已撥付工程費用一語，空口搪塞，其誰能信。

綜上所述，參觀互證，該被告等通同一氣，藉公肥私，連續侵占業務上持有物之犯罪嫌疑，實極重大。

(乙)關於衛生署部分，查本京四根桿子宮後山五號，現改爲秣陵路三百十四號，原係劉瑞恒夫婦及其妻弟王某等賃居之私宅，其自民國二十一年一月起至二十三年十二月止，所有該宅之房租電燈電話費用，計洋一萬二千一百七十六元三角六分，概由衛生署公款開支，假名該署職員宿舍，朦混列報。

(未完)

專載

▲中醫衛生設施方案 (續)

天津市中醫公會陳澤東擬
以應中央國醫館之徵集

回陽開關散方 (見前)

回陽流氣飲方

- 羌活錢五 麻黃二錢五 葛根二錢 柴胡錢 藿葉二錢五 附子三錢
- 肉桂二錢 檳榔二錢 枳實錢 厚朴二錢 萊菔子二錢 生薑七片

右十二味，水三盅，煎一盅，乘熱服，取汗。

癘羅痧病，係毒邪中於三陰之經，與三陽經之正氣相糾引，故手足逆冷抽疼，手足指頭羅紋處皆凹陷，故名癘羅，其病之發，心脅亂口不渴，畏冷喜熱神昏，倘治不得法，一日餘即死，較之癘爪溫為尤烈，初起之時，先以附子山甲湯以驅其邪，繼以附桂芍藥湯以復其陰陽可愈。

附子山甲湯方

- 附子五錢 麻黃三錢 桂枝二錢五 葛根二錢 藿葉二錢
- 羌活錢二分 山甲錢五 皂刺錢五 枳實錢 紫朴二錢五

右十味，水三盅，煎一盅，乘熱服得透汗，癘羅初起指溫，易附桂芍藥湯。

附桂芍藥湯方

附子三錢 肉桂二錢 當歸三錢 白芍三錢 廣陳皮錢五 生甘草錢五

右六味，水三盅，煎一盅，溫服，禁忌同前。

鼠疫病（亦名鼠溫）係溼毒中於中焦之血分也，初起之時，目赤心煩，頭頂內痛，身熱惡寒，從足踰下起疔疽，如內伏小鼠之狀，漸向上奔，急用布鞋底蘸熱酒拍打兩腿委中處，有紫泡紫筋，用三稜針出紫黑血，然後再將疔疽向上之頭，先迎刺一針，繼則攢刺之，將紫黑血擠淨，外用竹筒拔毒法，敷以二味拔毒散，內服活血化毒湯可愈，如急治不及，疔疽上奔入臂部則死矣。

竹筒拔毒法

羌活 獨活 紫蘇葉 生蘄艾 菖蒲 白芷 甘草各五錢 連鬚葱十根切

右八味，水十碗，取竹筒一段，長七寸徑口一寸半，刮去粗皮，一頭留節，一頭錯光，合前藥煮十餘沸取出，急將水甩淨，乘熱合疔疽上，圈針孔在筒內按緊，片時即吸住，涼則再易，以紫黑血盡，血色轉鮮為度，外敷二味拔毒散，不貼膏藥。

二味拔毒散方

明白礬 明雄黃各等分 共研極細末敷針孔，毒水提盡自愈。

活血化毒湯方

羌活一錢 獨活七分 紫荊皮三錢 川厚朴錢五 檳榔二錢 草果八分 藿香葉三錢
荆芥二錢 防己錢五 川牛膝二錢 明雄黃一錢 山甲二錢 甘草三錢 麻黃二錢五

右十四味，水三大碗，煎一碗，乘熱服，晨昏二劑，得黏臭汗必愈，禁忌同前。

黑死病，係天地寒濕之毒邪，中於人身之血分，初起之時，周身緊痛頭痛，腰膝緊痛尤甚，不能起立，身冷畏寒，面青，心煩不食，治不得法，一二日即死，死則周身皮肉皆黑，故名，前清光緒中葉，關東曾現此症，死人頗多，後遇一老醫，按厥陰少陰直中傷寒，與陰毒病，相機治之，活人頗多，其所用之藥方，如面色微青身微冷者，先用麻黃細辛通經湯，其面色極青身冷甚者，即用升麻鼈甲通經湯，所投多效。

麻黃細辛通經湯方

麻黃三錢 細辛二錢 附子五錢 羌活二錢 山甲二錢 川芎錢五 紫厚朴三錢

右七味，水三大盅，煎一大盅，乘熱服，取汗，如得臭汗出即愈。

升麻鼈甲通經湯方

升麻三錢 鼈甲多錢 蜀椒二錢 山甲三錢 雄黃 當歸 甘草 羌活各錢五

川芎錢五 麻黃三錢 紫朴三錢 檳榔二錢

右十二味，水三大盅，煎一大盅，乘熱服，如得臭黏汗出即愈，忌房事，怒氣，避風，及腥冷食物。
(未完)

上古天真論詳解

外省加郵費一角

發行所

古渝鄒趾痕著
全書一册定價洋二角
北平崇內溝沿頭甲三十五號

社會義務欄

編者 志學

第十二號

灌輸醫學常識，公開經驗良方
 擔任醫藥顧問，解答疑難問題
 救濟赤貧疾病，組織義務施診
 介紹特效藥品，供給醫界新聞

本欄目次

暑令保赤要言(續)
 驗方(婦女病)
 醫藥問答

◎暑令保赤要言◎

(續)

溫悅堂

按各種泄洩，初起之時，心不煩燥，惟受暑傷心故煩，坐臥不安，以此分辨，此症非不治之症，惟不可稍延，凡病入腑者吉，入臟者凶，有胃氣生，無胃氣死，今暑邪既中心經，有干神明，胃受暑逼，復傷水穀之海，母邪及子，邪有出路，故可治，胃受暑逼而瀉，津液泄盡，生氣奚存，況又傷神明之臟，治之不急，何能有生，更況暑月之中，陽在外而陰在內，故平人身涼則無病，只以內陰足濟外陽，若暑氣內擾，津液日泄，則中如火焚，若不速為固陰，何以圖存，陰非陰血之陰，乃手少陰心足太陰脾也，脾屬裏，胃屬表，設由胃及脾，既傷心經，復傷脾經，故死期可以時計，方中用扁豆者，取其清暑和脾，茯苓滲濕補脾，木瓜利濕驅暑，又酸能瀉肝，以防侮脾，黑薑厚朴溫以養脾，苦以養心，且濕熱內蘊，黑薑足為諸藥嚮導，則香茹葛根滑石自無扞格不入之患，兼六一散能止瀉泄而利小便，解肌熱，生津液，分之為清暑之方，合之為養脾養心之助，或曰，仲師有太陽中喝之語，後世有麻杏石甘之言，今一概不用者何也，噫、仲景先師於太陽症，中風已去麻黃而用

桂枝，豈有暑濕燥火而犯太陽者，復用麻黃之理，況香薷本草有暑月代麻黃力能祛暑之文，經驗歷歷不爽，此外如羌防一切表散，皆不可用，慎之，又云，暑必兼濕，不用木通車前苡仁者何故，曰當分輕重而言，此症暑重濕輕，不必重用利水之品，況木通兼入大腸，以通大便，小兒服此，斃者甚衆，可不慎諸。

此藥服之，十治十痊，若誤服藥餌，或病日甚久，則十救一二，初起症重者，不能一服即效，而神氣必爲安靜，未有二三劑不收效者，此方治愈多人，無論大人小兒，患此疾，服此藥，奏效捷如影響，望諸大君子，廣爲宣傳，是所企禱也。（完）

●驗

方●

婦女病驗方輯要

（續）

編者

產後門

- 一，產後下血不止，羸瘦欲死，並血風等證，蒲黃二兩，水煎服，又產後血多不止，烏鷄子三枚，醋半盞，酒二盞，和攪煮取汁一盞，分四服，又方，百草霜三錢，研，酒下。
- 一，產後崩中，蓮蓬壳五個，香附二兩，各煨研，每服二錢，米飲下，日二服。
- 一，產門受風，紅腫作痛，葱白杵爛，入乳香末，烘熱貼，勿洗去。
- 一，產門受傷，由兒大或收生不妥，或天時暑熱，以致產下即腫而疼，蚌肉，濕草紙包煨，研末糝

一，產後燥熱陰翻，遂成翻花，澤蘭四兩，煎湯薰洗二三次，再入枯礬煎洗。

一，產後小便不禁，雄鷄脰脰一具，並腸洗淨燒灰，溫酒調服二錢，又方，白薇白芍等分爲末，溫酒調下二錢，又方，真桑螵蛸蒸焙四錢，龍骨牡蠣各六錢煨爲末，水調三錢服。

一，產後胞破，不能小便，常常滲漏，生絲絹一片，剪碎，白牡丹根皮白苧末各一錢，水一碗，煎至絹爛如錫，空心頓服，不可聲言，即効。

一，產後小便不通，陳皮一兩爲末，溫酒下二錢。

一，產後尿血，以牛膝水煎頓服。

一，產後遺溺，豬脬猪肚各一具，洗淨，稷稷米五合入脬內，更以脬入肚內，加鹽醬少許煮食，効。

(未完)

◎醫藥問答◎

煙台李玉珂君問：鄙人曩在海濱服務，以受海風之故，時常頭暈每日二三次，隨發隨止，亦未注意，乃近來頭暈忽劇，當就醫診治，謂爲腦神經衰弱，服石決明磁硃丸等藥，並未見效，現時頭暈如故，有時腦海串痛，有如刀刺，對於工作一切，均感不便，究竟不知應以何法調治，敢乞先生費神體察病情，酌擬一方寄下，以期早日痊愈，是所至禱，並乞提前後示爲荷。

編者答：來函誦悉，詳審貴恙當係腦受風，未即解散，又誤服金石類一派重鎮藥品，引邪入腦絡，盤聚固蔽，以致日趨嚴重，此症非根本治療不易奏效，茲擬溫通經絡，散風提邪之方，望君放胆服

之，一經透汗，立可輕減，萬勿疑遲不決，以免後悔無及也。

附方：

桂枝尖二錢

麻黃一錢

桑枝錢五

藁本錢五

羌活錢五

紫油朴錢五

枳實一錢

廣皮一錢

甘草一錢

熟附片錢五

以上各味，水三盅，武火煎二沸，剩一盅，溫服，以週身及頭面汗透爲度，如未透須二服，忌食生冷黏膩諸物，尤須避風爲要。

濟南侯曉垣君問：敬懇者，賤內現年二十四歲，身體素胖，與鄙人結婚已有五年之久，連孕四次，皆係至五六月間小產，現又懷孕三個多月，鄙深以爲憂，惟恐屆時仍有意外危險，務請先生賜示良方，以便預爲調理，不勝感切，專懇敬頌

志學大主筆先生 道祺

編者答：按尊夫人屢次小產，已成習慣，是由平日體胖脂滿，子宮寒滑，一經有孕，則及時而墮，茲擬一方，以扶助氣血保元固胎爲主，可每日服之，服一月則無小產之患矣。

附方：

大熟地五錢

炙黃芪錢五

山萸肉錢五

阿膠珠二錢

杜仲一錢

酒條苓五分

北五味二分

化橘紅五分

甘草五分

以上各味濃煎，每晚睡前服。

甯晉李雅斌先生問：接見大函，遂命小女連服三劑，頭一劑見汗，面上赤粒發出，後二劑均見汗，

赤粒並未出，大約是汗透痧透，將告痊癒矣，現下頭不疼痛，腿不警脹，脈象不浮不沉不大不小，而爲中和之象，祈 先生擇暇酌善後方劑寄來爲祝，此上

澤東先生台鑒

鄙人李雅斌啓

澤東答：逕覆者，大函均悉，令嘔之症，既云汗透痧透脈象和平，大約隱痧盡出矣，茲擬一方，以調善後可也，服三劑見何情形再行示覆爲荷，敬覆

李雅斌先生台鑒

陳澤東鞠躬

(附方)：

生口芪二錢

歸身二錢

附子錢

肉桂錢

白朮錢五

廣皮錢五

甘草錢五

右七味，水三盅，煎一盅，熱服，忌風寒怒氣，生葱蒜牛羊肉。

本刊第二十七期刊誤

第十一頁第五行第六字下應加「明」字。第十四頁第八行倒四字「輩」應作「輩」。第三十三頁倒一行第十九字「籍」應作「藉」。第三十六頁第七行第十六字「指」應作「刺」。第四十頁第六行第四字「藏」應作「統」。第四十頁第十行第十字「云」應作「雲」。

國 醫 正 言 定 閱 單

戶 名	地 址	期 數	書 費	日 期
		自 第 期 起 至 第 期 止 計	計 洋 元 角 分	中 華 民 國 年 月 日 定

定閱處 天津東門內文學東
道國醫研究會內
定閱者 請將此單剪下填
附款寄交本刊

定 報 價 目 表			
郵費在內不另取資報資先惠不收郵票	全 年 十 二 冊	半 年 六 冊	零 售 每 冊
	二 元 三 元	一 元 一 角 一 元 六 角	二 角 三 角
	五 元 五 角	二 元 九 角	五 角
			冊 數
			國 內
			香 港 及 南 洋
			歐 美

廣 告 價 目 表			
木報對於國產飲料食品廣告價目格外從廉 此表係一期價目登三期以上九折六期以上八折全年七 折(但逐期續登期數未經規定者不在此例)插圖另議 以上各費一律大洋均須先惠不收郵票	正 文 後	封 皮 裏 面 及 目 錄 前	封 皮 底 面
	六 元	十 元	十二元
	三 元 五 角	六 元	七 元
	二 元	三 元	四 元
			地 位
			全 面
			半 面
			全 面 四 分 之 一
			全 面 八 分 之 一

本刊編輯部審查員

王世珍 蔭紹

許宗彝 周從

張少仙 棣品

王世鈐 華冠

劉廷文

李鴻儀

劉金詔

張振芝

張靜齋

侯繼志

趙少廷

潘春臺

國醫正言 (月刊) 第二十八期

中華民國二十五年九月一日出版

編輯主任 陳曾源 澤東

編輯 周偉 蘇甫 孫鳴山

沈肖卿 趙瑞升

齊志學 張蘭亭

發行者 天津市國醫研究會

會址 天津市東門內文學東箭道
借用陳宅電話五局一六八九


印刷者 天津益世報館

本刊代售處

本埠	外埠
大胡同 江東書局	武清 慶豐棧諸葛希武
北馬路 直隸書局	上海 四馬路上海雜誌公司
法租界 天津書局	福州路四三六號大公報代辦部
大通書局	

標

虎



◀ 坡 嘉 新 ▶

● 行 分 津 天 堂 安 永 標 虎 ●

號 九 牌 門 路 號 六 十 二 界 租 法
三 三 一 四 三 話 電

八 卦 丹

是 却 除 口 臭 除 穢 辟 毒
仕 媛 交 際 的 仙 丹 ！
二 各 中 西 藥 號 廣 貨 莊 紙 烟 雜 貨 舖 均 有 代 售 二



是 提 神 醒 腦 止 咳 化 痰
旅 行 必 備 的 良 伴 ！

萬 金 油

是 春 夏 秋 冬 須 臾 莫 離
的 平 時 衛 生 秘 訣 ！



二 招 請 鄉 村 縣 鎮 代 售 處 本 行 特 備 有 詳 章 函 索 即 寄 二
是 內 服 外 擦 萬 試 萬 靈
的 家 庭 常 用 妙 藥 ！

清 快 水

是 增 進 食 慾 消 風 導 滯
之 不 二 方 ！
二 各 中 西 藥 號 廣 貨 莊 紙 烟 雜 貨 舖 均 有 代 售 二



是 清 潔 腸 胃 補 助 消 化
之 唯 一 法 ！

頭 痛 粉

是 降 火 疎 風 補 腦 活 血
之 非 常 品 ！



是 立 止 頭 痛 精 神 助 氣
之 特 效 劑 ！